

Üüs eilun Feer

wiis: Schön ist es auf der Welt zu sein
fering: Paul Bahns

Smok as det üüb üüs eilun Feer,
wan wi suutjis troch a taarpen keer,
of üüb fial of uun a maask,
wan diar rept en liap of schongt en laask.
Smok as det üüb üüs eilun Feer,
uk a baaselidj gefält det heer.
Jo an wi, wi draap üs heer.
Smok as det üüb üüs eilun Feer.

Stal lei a taarpen bi a struat
an a hüsing skürne witj an ruad.
Uk a fögler schong so kral,
wan a locht so klaar an a mensken stal.
Stal lei a taarpen bi a struat,
an smok ruusen bleu uun arke guard.
Güül an blä an witj an ruad.
Stal lei a taarpen bi a struat.

Bliis san a mensken heer üüb' t lun,
wan jo flitjig werke hun uun hun.
Uun a guard of üüb at fial,
wan jo sä of plaante mä hart an sial.
Bliis san a mensken heer üüb' t lun,
wan' s de injem tup tu snaakin stun.
Jong an ual gung hun uun hun.
Bliis san a mensken heer üüb' t lun.